



www.bhtelecom.ba

Dioničko društvo BH Telecom Sarajevo

Franca Lehara 7, 71000 Sarajevo, BiH

Kabinet generalnog direktora

Odjel sekretara Društva

tel: +387 33 256 017, 256 015, 256 014; fax: +387 33 207 738

Broj: 00.1-173-56801-1/26 6335
Sarajevo, 14.07.2026. godine

PARLAMENT FEDERACIJE BIH
PREDSTAVNIČKI DOM
ul. Hamdije Kreševljakovića br. 3., 71 000 Sarajevo

VLADA FEDERACIJE BIH
ul. Hamdije Čemerlića br. 2., 71 000 Sarajevo
gđa. Edita Kalajdžić, sekretarka

FEDERALNO MINISTARSTVO PROMETA I KOMUNIKACIJA
Tvrtka Miloša bb, 88000 Mostar
gđa. Andrijana Katić, ministrica

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 17 -07- 2026			
Org. jed.	Broj	Priloga	Vrijednost
05/19	-02-	394	126

PREDMET: Odgovor na zastupničko pitanje, dostavlja se

Poštovani,

U vezi sa Vašim dopisom broj 03-04-473-2/26 od 29.06.2026. godine u čijem prilogu nam je dostavljeno zastupničko pitanje koje je postavio g. Mirza Čelik, u nastavku dostavljamo odgovor:

U vezi sa postavljenim pitanjima koja se odnose na projekat akvizicije "Titanium", ističemo da se radi o projektu koji predstavlja poslovnu tajnu, zbog čega informacije nije moguće javno iznositi niti dostavljati trećim licima. Obaveza čuvanja povjerljivosti proizilazi kako iz važećih propisa kojima se uređuje zaštita poslovne tajne, tako i iz zaključenog Ugovora o povjerljivosti informacija (NDA) zaključenog sa prodavcem, kojim su ugovorne strane preuzele obavezu da sve povjerljive informacije do kojih dođu tokom realizacije transakcije neće učiniti dostupnim trećim licima, osim u slučajevima i na način predviđen ugovorom i važećim propisima.


Ističemo da se projekat vodi u skladu sa važećim propisima, internim aktima Društva i najboljim međunarodnim korporativnim praksama koje se primjenjuju u postupcima ove vrste.

Naglašavamo da su provedene sve potrebne stručne, finansijske, pravne, porezne, regulatorne, tehničke i tržišne analize, uključujući procjene rizika i efekata predmetne transakcije. Analize su izrađene uz angažman renomiranih međunarodnih, stručnih, revizorsko - konsultantskih i advokatskih kuća sa značajnim iskustvom u realizaciji složenih transakcija ove vrste i postupaka dubinske analize.

Analizirani su svi relevantni rizici, uključujući finansijske, pravne, regulatorne, tržišne, konkurencijske, porezne i druge rizike.

Sve informacije, analize, izvještaji, procjene i ostala dokumentacija dostupne su organima upravljanja Društva u skladu sa njihovim zakonskim i statutarnim ovlaštenjima. Organi upravljanja su kontinuirano informisani o svim aspektima projekta i odlučuju na osnovu potpune dokumentacije.

S obzirom na prirodu projekta, kao i ugovorene obaveze povjerljivosti prema uključenim stranama, Društvo nije u mogućnosti javno iznositi detalje koji bi mogli ugroziti njegovu realizaciju ili poslovne interese Društva.



www.bhtelecom.ba

Dioničko društvo BH Telecom Sarajevo

Franca Lehara 7, 71000 Sarajevo, BiH

Kabinet generalnog direktora

Odjel sekretara Društva

tel: +387 33 256 017, 256 015, 256 014; fax: +387 33 207 738

Naglašavamo da bi dostavljanje svih traženih podataka i analiza, u ovom trenutku, rezultiralo njihovim javnim objavljivanjem, a što bi moglo prouzrokovati značajnu štetu poslovnim interesima Društva, o čemu je pribavljeno i mišljenje advokatske kancelarije, pravnog zastupnika u predmetu.

S poštovanjem,

GENERALNI DIREKTOR
Amel Kovačević

